



59803

Mag. St. Dr.

P

Teol. 5111.

Podgurski Sam. Ioan. Leo libiatus in angustis-
sima Augustinianorum solitudine repositus.


h

C

LEO LILIATUS,

In Augustissima Augustinianorum Solitudine


REPERTUS,

 B. ISAIA S
B O N E R,

Ordinis Eremitarum D.P. A. AVGVSTINI,
S. Theologiæ Doctor, Regni Poloniæ

PATRONVS:

Anniuersariâ suæ Solennitatis die,
in Basilica S. CATHARINÆ Virginis
& Martyris,

 CASIMIRIÆ AD CRACOVIAM,
Exili Panegyri

^A
SAMUELE JOANNE PODGURSKI,
Artium & Philosophia Baccalaureo,

DEMONSTRATVS.

*Anno Nazarei Leonis de Tribu Iuda. 1687.
die 8. Februarij.*

CRACOVIAE, Typis UNIVERSITATIS.

IN STEMMA PERAUGUSTI CAPITULI,
ZAMOSCENSIS.



59803
Pandoram, Veteres, frustra finxere Poëta;
Pandora est, THOMÆ, Sanctificata MANVS.
Hinc si cuncta habeant, ZAMOSCÎ, munera, mystæ;
Non mirum, THOMÆ, porrigit illa MANVS.
Omni doctrinâ, cupiunt clarere per orbem,
Clarent; arcana, hæc, sunt referata MANV.

JOSEPHVS BLASIVS KYLIGOWICZ, Dial: Auditor.

PERILLVSTRI BV S, & REVERENDISSIMIS DD.

D. IOANNI VNIKOWSKI,
S. TH. DOCTORI, DECANO INFULATO ZAMO-
SCEN: PRÆPOSITO Szebrzeszynensi, S. R. M. SECRETARIO.

D. ANDREÆ ABREK,
S. TH. DOCTORI, Scholastico Zamoscensi, Præposito Tarnogroden.
S. R. M. SECRETARIO, Almæ Academiæ Zamoscensis Procancellario.

D. IGNATIO GREGLICIO,
Philosophiæ Doctori, Custodi Zamoscensi, Præposito Turobinensi.
TOTIQUE PERAUGUSTO CAPITULO ECCLESIAE
COLLEGIATÆ ZAMOSCENSIS.

Dominis, Patronis, & Meccœnatibus Amplissimis.



D Virtutum Vestrarum Sacrarium, & quod, in Peraugusto Stem-
mate præfertis, Gratiarum Archium; aliter accedere verebar,
nisi cum LEONE. Perillustres, & Reuerendissimi Do-
mini. Quis enim ausit vobis approximare? quos, nedum infra-
cta, Augusti Propugnaculi mania; sed etiam, gemina Abyssus, ma-
gis quam Tarpeia rupes, Capitolium vallauit. Nempe & dulcissimum Saluatoris
COR, non habens donorum, & charismatum, fundum, Abyssus est; & THO-
MAM, nomine suo Abyssum, ad se inuocauit. Hinc tantummodo à longè, atto-
nitus, mirari debui Vestros tum Tyaratos, tum Laureatos, Vertices; quibus infer-
ta, tot virtutum & sanctimoniarum gemma, Phœbi æmulâ luce, in Ecclesia Dei, &
Diœcesi Chetmensi, splendidissime coruscant. Maxime verò inde, vestra longè la-
teq̃, resulget prærogatiua, quod Peraugusti Capituli Vestri Cetus dignissimi,
ipse Primogenitus Creaturarum, Victima simul & Sacerdos secundum ordinem
Melchisedech, Antistitem agat. Positus est vobis in signum, Pater noui sæculi, ad
cuius pectus, accepto à Cimmeriorum Regis filijs exemplo, sagittis cordis Vestri
collimando, Regnum æternum, acquiratis. Profecto felicissimi Doctores, quibus,
in hac Deifici CORDIS Abyſso, altitudo diuitiarum, Sapientiæ & Scientiæ Dei;
& Aurifodina plena, Cælestium Gratiarum, obryzo; non vna, sed quinque diuiti-
bus vena, reſeratur. Subtilissimos vos quis neget esse Theosophos, & mellitos Ec-
clesiastes? quibus Magister Amoris, nouo charitatis idiomate lacutus est: atq̃ iam
non seruos, sed amicos dicens; vt nihil Vos lateret, COR ipsum aperuit. Volui-
tis, in Peraugusto Stemmate Vestro, Librum scriptum intus & foris, ex
quo illis, qui pascitur inter Lilia, imò ipse totus florido quia Nazareus est, omni Hy-
blâ Atticâq̃ suauiores, nempe cælestes, ambrosias, & nectâr colligentes, populo in-
stillatis. An verò, & hoc non omni prodigio maius prodigium est? cum in Ciuita-
te Zamoscensi (quæ, raro hodie exemplo, ab hostium furore intacta, virgo est)
alteram Ciuitatem, & quidem Refugij habeatis. Ad quam vt facilius culpis panisq̃
obnoxij

obnoxij confugiant Rei, non in vno, sed in quinque Angulis, triumphales Asyli Porta, resecrata sunt. Vbi autem tuta firmaque securitas? nisi in vulneribus Saluatoris? Tanto illic securius habitatur, quanto ille poterior est ad saluandum. Fremat & premat, omnis hostium turbo; non cadit, qui hanc Diuinam Arcem, inhabitat. Inter geminam igitur Abyssum, tanta Gratiarum, virtutumque, vos stipatos cernens multitudine; omni vero, meritorum meorum destitutus satellitio, & presidio, totque beneficiorum, a Vobis mihi in Alma Academia Zamoscensi, affatim collatorum reus, merito ad Vos Perillustres & Reuerendissimi Domini accedere formidabam. At modo, cum LEONEM LILIATVM, in Augustiana Beatiore Eremita inuentum, comitem nactus sum, animosior iam, ad Abyssos Vestras, accedo. In quibus, profundissima veneratione demersus, vectigal debita gratitudinis, in sinu Vestro, repono. Ceterum, cum Beneficiorum Vestrorum moles, vilissima mea praeponderet gratitudini, LEONEM Vobis LILIATVM, offero. Qui est meditullio Regni, est Regina Urbium Sarmatiae, progrediens; Velut ad eius gynaeceum, pertinentem Zamoscanam Virginem, properat defensurus. Habet quidem Augusta, & inexpugnabilis haec munitionis Vestra, firmissima, & Babiloniorum, emula, moenia, & omne armorum genus; & cum Ossa Sanctorum sint muri Regnorum; habet tot veneranda, Diuorum Calu Indigetum Busta: At LEO quoque meus, cum & fortissimus, & LILIATUS sit, Virgini Ciuitati, nedum firmissimum tutamen, sed etiam Regis suis FLORIBUS, Triumphalem praestabit coronam. Ut ergo a Stagyrita edotus, vernantes semper gratiarum Vestrarum, apud me consruem hortos; in Solitudine Augustiniana, Caelesti irrigata rore LILIA BONERIA, illisque infractum hunc redimitum, LEONEM, Vobis Perillustres & Reuerendissimi Domini dedico. Semper ille Triumphis assuetus, nullam moram patitur, quin vincat, & triumphet. Idcirco & nunc, sub Triumphatore Erebi militaturus, nouo se illi, in illius vrbe, aduersus insurgentem Othomani vesaniam, obstringit Sacramento. Quod si ut par est, adhuc eiusmodi Gratitudinis tessera, debitas & sufficientes vobis non persoluerim gratias: ergo, Vos Perillustres & Reuerendissimi Domini, me beneficiorum Vestrorum Reum, maioribus gratiarum, fauorum, & beneficiorum, compedibus, ligatum, constrictum; damnate ad obsequia Vestra. Et ego, pro huiusmodi mihi gratissima, & exoptata iniuria, assiduo, Calum indignissimus fatigando precibus, perpetuum, animi mei ingeminabo anathema; ut viuam, & cum LEONE hoc floreatis, vincatis, triumphetis, eoque

----- dum terra fretum, terramque leuabit

Aer, & longi, voluent Titana labores.

Lucanus.

Perillustrium & Reuerendissimarum
Dominationum Vestrarum,

Cliens humilissimus,

SAMVEL IOANNES PODGVRSKI,
Art. & Phil. Bacc.

ORATIO.



HTsi communibus, omnium ferè mortalium Votis & Vocibus, nobilissimæ inter anni partes Brumæ, ingratum nouercæ nomen, & quædam ob frigoris acerbitatem inuratur tyrannidis nota: mihi tamen illa nedum excusanda, verum etiam, si non præstantiori, cæteris partibus; certè pari prærogatiua videtur esse adoranda. A. A. Esto etenim sanè, propter Hyperboreos rigidi Aquilonis flatus, cessent virentem perflantes orbem placidissimæ ethesiæ: esto conspirante rigescente Arcto, coniurantibus furentis Eoli niuium aciebus, non spirent, iucundissimi Fauonij; non recreent blandè mulcentes Austri, Alcinoi, Hesperidumq; peramænos hortos: non inde aliquis næuus, innoxia hyemi, poterit imputari. Esto pro multiformi & delectante Chloridis Adonidisq; Varietate; pro ridentibus narcissis, purpurascentibus rosis; iam prata canis albicent pruinis: Pomona fructuum delicias, & cæsaream foliorum ex arboribus amiserit cæsariem: non exinde nouercantes hyemis affectus, non tyrannicum in sublunaria imperium, iniustis querelis, mortales accusent. Quidquid enim paulò ante ridens, nunc squalidum; paulo ante vernans, nunc gelu obrigescens; quidquid paulo ante Tyrio murice rubens; nunc expallescent humanâ conspicitur à pupilla: hoc non brumæ asperitas; sed instabilis in hoc sublunari orbe rerum orbita; imò ipsa orbitas, cum labenti rerum phagone, tempore immutauit, & absumpsit. In hoc vicissitudinis diuersorio, *nil usq; stat durable aut vndequaq; tutum: calcat myricas quadrapes, cedros trucidat Eurys; & quidquid sub sole nascitur denascitur vicissim.* In tota sublunarium Vniuersitate, casibus stamus; & (Senecâ iniquente) *mortibus viuimus*: duobusq; illis extremis, ortu, & interitu, velut in gyrum cohærentibus propagamur. Vnde, gratis candidissimæ hyemis integritas, atro vituperij perstringitur Sarcasmo. Satiùs, si altiori iudicij lance, æquiores Phociones, illius nobilitatem pensauerimus, dignam reperiemus; quæ parem cæteris anni partibus, laudis adoream, mereatur. Excepto enim, quod horrida, fulgurantis Gradiui, tonitrua; quibus ver ianuam aperuit, quæ æstas fouit, autumnus exacuit, tranquillâ hyeme cessauerint:

Excepto, quod dulce nomen pacis, quiescente interim bellorum
 tempestate; hyeme nobis redierit; & vberimam consulendi rebus
 nostris opportunitatem, præbuerit. Excepto, quod lassatus per as-
 sidua arma heros, fatigatus circa excolenda arua, colonus, bruma-
 li tempore attritas, reficiant vires. Exceptis mille alijs hyemis en-
 comijs, commodisq; habet immodicas panegyres bruma, ex com-
 modissima ferarum, in sylvarum tesquis venatione. Nunc, nunc, vel
 inediâ pressa vel, mille venatorum artibus adacta, *Visa est catulis
 cerua fidelibus: nunc rupit teretes marsus aper plagas; nunc mille
 feras syluis Phæbe venata redibit.* Non vnus modo Cephalus, ad
 Phosphorum vsq; insomnis, ferarum capiendarum studiosissimus,
 excubabit. Plurimi, velut Trinacrij iuuenes, Helemus, Panopesq;,
 plus syluis, quam domibus assueti venatu assiduo oblectant ani-
 mum; vt hyemales illis feriæ, non à feriando; sed feras feriendo
 deducantur. Has, & ego peculiare venationum hodie, cernens de-
 licias; antequam populus læta celebrauerit Anthesteria, saturas,
 ad saturnalum ferias, feras, hodie inuestigare decreui. Quod si
 quispiam venationis meæ comes, celebrem syluam à me requisie-
 rit? adest, non Dodonea, fatidicis arboribus, & loquacibus quer-
 cubus referta, non Venusina, non Nemea, syluæ antiquitati celeberrimæ
 non falsis deastris dicati luci, sed Augustissima Religiosissimo-
 rum Eremitarum Phœnicis Doctorum Sancti Augustini Solitudo. Hic,
 extra fabulam, cælestis Diana, æterna Sapientia, ludens in orbe ter-
 rarum, nobilissimas feras ingenti animi sui cum tripudio venata
 est. Cuius & mihi Peraugustæ Eremitæ, cum saltem vestibulum in-
 gredi permissum est; en ecce, tanquam in peramænis Thassaliæ Tem-
 pe, nouo paradoxo inter Arctoas niues, candido germine LILIA
 BONERIA video radiare. Ex quibus Generosum Gentilitij LANC-
 KORONIORVM LEONIS Caput, hoc Liliato candore vndiq;
 redimitum, ipsaq; Gentilitiâ luce coruscum, conspiciens; B. ISA-
 IAM BONERVM, ex coniunctis hisce vtriusq; illius Illustrissimæ
 Prosapiæ Stemmatis, sub Prototypo Allegorico LEONIS LI-
 LIATI, esse cognoui. Quem vltra luculentiùs varijs in locis, &
 potissimum inter Augustæ Solitudinis Cedros Cupressos, Pinus
 paulisper discurrendo LEONEM LILIATVM ostendere conabor.
 Vos tantum Generosa Sarmaticæ Aquilæ pectora, definite in syluis
 lepores, & minus culto eloquio meo quærere lepores, sed pro ve-
 stra Generosi animi indole, magnanimos nunc sedulâ attentione
 libeat mecum venari LEONES.

Haud multi, per inhospitalem aliquem Caucasum, per resquo-
 rum

eum auia, per prærupta viarum; transmeandi sunt mihi difficulta-
 tis anfractus, vt viuam in B. ISAIA BONEROLEONIS LILI-
 ATI ideam, imò B. ISAIAM BONERVM LEONEM LILI-
 ATVM præstolationi vestræ exhibeam. A. D. Quippe ipsa, Sa-
 cri natalis eius felicissima Lucina, in lucem Illum omnibus exposuit.
 Ipsa Gentilitio LILII candore, & beatioribus Leonino ex ore (qui-
 bus LILIATVS candor fouetur non aduritur) FLAMMIS, ita illu-
 strauit: vt quilibet Phæbo meridiano clariùs, vbiq; eum LEONINA
 vestigia, conspiciat impressisse. Placuit certè & mihi, infantilem
 hanc meam facundiam, LEONIS LILIATI vestigia sedulò in-
 uestigantem, ab Illustrissimis illius cunis breuissimè exordiri. Au-
 gustissima Sarmatiæ Monarcharum Metropolis, vrbium Regina
 Cracouia; vt pretiosum, in celsissimi Vauelli plusquam Hesperio
 pometo, aureum Regni malum, optimè seruatum, custodiret; solo
 olim in spelunca excubante, non contenta fuit Dracone. De nouo,
 & quidem firmiori, illa sibi prouidens satellitio & ornamento, tunc
 decoratâ LILIIS BONERIIS LANCKORONIAM LEÆNAM
 altera ex parte collocauit. Vt ne Hercules quidem contra duos,
 quidquam audere potuisset. Et licet inuentus sit suus contra Dra-
 conem Alcides, LEÆNAM nihilominus LILIATAM, Beatiori
 fæcundatam Prole, semper subsidio & decori, sibi non defuturam,
 autumabat.

Nec vanum mehercule in Regno Aquilarum & Leonibus fue-
 rat omen. Iam cum non solum Vauelli Olympo æmula, & vsq; ad
 inuidiam vicinorum cresceret gloria: cum nedum latepatentes Po-
 loniæ campi, auspicaatâ riderent imò luxuriarent, abundantia, fæ-
 cunditate, prosperitate: cum, inquam, maturescentibus Lechiadum
 laureis, & fæcundissimæ Cæreris, Pannonicus, sub vno Sceptro, LV-
 DOVICI Poloniæ, Hungariæq; Regis, coniungeretur falerni Præ-
 ses Lyæus: tunc LILIATA LEÆNA, semel quidem (vt Leænis
 moris est) sed fortissimum enixa est LEONEM LILIATVM.
 Cane lætum Genethliacon, ô Peraugusta Heroum sedes Sarmatia!
 Tuo Vauello, Tibiq; Præsidarius, natus est LEO LILIATVS.
 Hic est, quem non superstitioso Tracum ritu, natales nèonatorum
 delyro ploratu dehonestantium, sed lætissimis acroamatibus, & vo-
 tiuo concentu Lechiadæ, debemus salutare. Hic est, quem Sarma-
 tica Agarastia, extra somnium peperit, LEO LILIATVS; cun-
 ctis, in periculorum insultibus, tutamen, in secundis successibus,
 ornamentum, allaturus. Quis enim BRONISLAâ ad defensio-
 nem gloriæ Lechiciq; nominis natum non autumet? Quis FLO-

RIANO genitum, non floridum, non LILIATVM hallucinetur ? Imò, si *conueniunt rebus nomina sæpè suis* ; in ipso nomine Ambrosij, in Sacro Baptismatis lauacro, accepto, coronatus iam LEO noster LILIATVS, suauissimâ Gentilitij LILII Ambrosiâ orbem Polonum recreauit. Atq; quemadmodum ab aurora, & oriente sole, totius diei auguramur temperiem, & serenitatem : ita, à Beatis feliciter nati LEONIS nostri Cunis, futuri præsagus splendoris LEONINVS animus serenabat. Puer adhuc, & iam noscitur Vn-
gue LEO. Adhuc ephebus, & iam in Prætecta Togatam grauitatem præferebat. Videres tunc illum grauem sine maturitate. Videres verè LEONINâ magnanimitate, tenellæ ætatis crepundia, lusus, illecebras, diuagantis leuissq; mentis lenocinia, à nostro LEONE contempta extisse. Nec satis esse ratus hic inuictus, licet adolescens LEO LILIATVS, se velut Leonem hæc contemnere, nisi insitâ nobilitate multis inaccessum virtutis iter adisset.

Hinc sedulæ animorum Excultrici Inclytæ Vniuersitati Cracouien-
si à pijs Parentibus commissus est, vt vbi Regis animi nobiles pulli beatorum Phæbo assuescebant, ibi etiam Rex animalium LEO generosos animos imbiberet, augeteq; . Vt inde gemino in elemento regnorum Antemurale, Poloniam Aquila & LEO, felicius fortiusq; tuerentur. Nec diu laborabas ô magnarum plantatrix mentium ! Alma Regum Filia & Parens, fecundissima & felicissima, tot SS. Indigetum Mater Academia ! Si benignè Leones natura beauit, vt nedum prudentes ipsâ informatrice efficiantur, verum etiam prudentis eruditiq; capitis Symbolon à naturarum Secretarijs prædicentur, LEONIS nostri LILIATI animum supra naturæ ætatisq; Vires in Tuo amænissimo Scientiarum Parnasso admirare. Celeri passu adhuc priuatos intra Penates, Grammaticalium rudimentorum eluctans anfractus, iam in vmbrosis Cracij Heliconis/oris LILIATVS, inter Liliatum Camænarum commercium spatatus est LEO noster. Nec mora, ocyus ad Hortensij, dulce eloquij viridarium, perrexit. Ibiq; longè alios còxtaneos eius Atticâ superante Suadâ ad gratissimas Stóæ Academiq; syluas, esse sibi per-
gendum, persuasit. Vbi quanto omnium cum stupore Inuictissimus LEO, miros soluebat Elenchos ! quâtâ iudicij eleuatione intricata argumentorum theoremata, dexterrimè discussit ! Vos apello Sarmatici Archiathæpæi Stóæ & Peripathe ! Vos etsi mutæ angustissimæ Musarum ædis Porticus, Archilycæi & Lectoriorum parietes declarate. Vnde ad Gentilitium LILIORVM BONERIORVM candorem, immarcescibilis binarum in Artibus & Philosophia Lau-
reorum

rearum per Almam Matrem, accessit viror; qui vnâ cum LILIIS magnanimi LEONIS caput coronando, illud in Virtutis & eruditionis, prototypon, vniuerso orbi exposuit. In tanto nihilominus probitatis, integritatis, & Sapientiæ splendore, semper humilitatis latibulis, ingentem animi magnitudinem, LEO, suppressere intendebat. Verùm enim vero, cum *non latet qui in fastigio est*, nouam recens coronatus, LILIIS Laureisq; LEO, venatorum cupediam sui excitauit. Opponet Tibi LEO LILIA TE, tumidos, vêtosâ, Sciētiarum iactantiâ, mundus, astutissimus venator, elephantos; cum quibus, licet maximâ eruditionis, refertus farragine, minimè tamen inflatus, luctari debebis. Adest, adest, potens captator, Illustris Generis, vtriusq; Tui Parentis claritudo, Te nouis, illecebrarum artibus, & dein, magnæ spei, præstolationum, lupato detenturus. Acerrimè, Leonino animo obtrudet sese honor, memor iniuriæ suæ, quam illi pro alga illum æstimando, intulisti. Quid factò LEONI opus sit? Latere eum non expedit; nec etiam potest. Imò si in Academi vmbri latere desiderat, adhuc ab illis illustrior redditur: *sua illum, dona cognita produnt.*

At in cassum casses, plagas, retia, & innumera capiendò LEONI LILIA TO mundus venator cum omnibus suis affeculis exerit instrumenta. Impetatur sanè his, impetatur, sagittis, lanceisq; volutatum, fortiter resistet, & secundùm Zingresij, Leoni adscriptam epigraphen: *Sese terrore tuetur.* Quantum virium inest, ô mundi fallaces illecebræ! currite, imò cum alatae sitis, sic volate, vt LEONEM nostrum LILIA TVM, comprehendatis; littus aratis, *ventũ frænare studetis.* Currite Acteones mundi, sed mox à LEONE profligandi, aut in ceruos, nouâ, extra Dianæ conspectum metamorphosi mutabimini; aut nouas Paphagis à LEONE discerpti dabitis pœnas.

Quodsi, Philosophantium Principis Stagyrîtæ testimonio, Leo, in venatu dum cernitur, nunquam fugit, aut metuit: sed etiamsi, venantium multitudine cedere cogitur, sensim pedetentimq; discedit crebrò subsistens atq; respectans. Nactus verò opaca (Philosophi verba sunt) fugâ, quâ maximè veloci, sese subtrahit, donec in aperta deueniat; tum rursus lento passu incessurus. Noster LILIA TVS LEO generoso progressu velut

----- motu Spartanus acuto;
*Mille cauet lapsas, circum caua tempora mortes;
 Auxilioq; pedum, sed non tamen immemor artis,
 Aduersus fugit, & fugiens, tamen ictibus obstat.*

Profectò pulchrè eludentes, aureos honorum laqueos, pulchriùs elusit & elisit, detrectans seruire, quem aurea libertas, ad digna LILIATO LEONE facinora, Senecæ dicto, excitabat: Ad maiora, inquit, sum natus, quàm vt speciosis honorum ærumnis, & fucatae seruiam voluptati. *Magna seruitus, magna felicitas; & magna fortuna, persæpè maximum infortunium est. Momentaneum est, quod delectat, aeternum, quod cruciat.*

Tali cælitùs animatus, & persuasus parænesi, rumpens omnes respectuum moras, tum generosâ reluctantiâ; tum fugâ hoc in passu certè laudabili, victor, LEO noster LILIATVS, Augustissimæ RR. PP. Eremitarum D. P. Augustini, Eremo, sese dedicauit. Hinc quemcunq; Parentis rerum naturæ arcanû non latet; fugere, LEONEM nostrum, desinet admirari. Si enim, licet naturâ quodammodo igniti, igne tamen percelluntur Leones, noster LEO LILIATVS, Sanctiori igne, qui DEVS est, incalescens, fatuos mundi, qui nec calent, nec diu vereq; lucent, serenitatum, celsitudinum illustrium dignitatum, ignes, quomodo vicisset, nisi fugiendo? *Ex fatuis nulla maior reportatur victoria, quàm fugiendo.*

Et iam gloriosus Victor LEO noster LILIATVS, vt tutior, in Augustissimis Eremitarum mansisset tesquis, Gentilitium, LILI candorem, & intaminatos virtutum fulgores, ne se vltra proderent, nigro, Sacri Religiosi vestimenti, contexit velamento: inò, vt totus à se esset alienus, nomen ipsum mutauit, ex Ambrosio, factus ISAIAS. Ergone iam latet, hoc non nihil suppresso candore LEO noster LILIATVS? latet, nouus per annuæ probationis interuallum, Augustissimæ solitudinis incola? minimè. Ipsa Sacræ Eremitopacitas, ipse niger vestimentorum color, magis eum, radiare demonstrat, oculisq; omnium candidiorem repræsentat: vt vel hîc illud Philosophantium verissimum sit axioma: *Opposita, iuxta se posita, magis elucescunt.*

Quod cum ita se res habeat, nec hîc Tibi omnimodè tutam securitatem, LEO LILIATE pollicere. Adsunt astutiores, mille artibus, pium impetum, peruertere conantes, geniorum venatores; cum quibus assiduò Te luctari, pernecessum est. Equidem, licet magnanimus sis, consilium Sapientis non sperne: *Fili, accedens ad seruitutem DEI, sta in timore & iustitia, & prepara animam tuam ad tentationem.* Præpara inquam; quia initium, futuræ calamitatis, incauta securitas est. Vehementius principijs obstinam serò medicina paratur. Memor illius: quod: *quiescentibus etiam & culices, & modica animalcula insultent.* Atq; hîc noua est, LEONI

LEONI LILIATO, cum tentationum Hydris colluctatio. Irru-
it, nobilissimæ Prosapiæ, rarioris fortunæ, maximæq; in Republi-
ca præstolationis, Venator, obedientiæ, in illo inuictam fortitudi-
nem, confringere, & splendidam seculi huius seruitutem, pro reli-
giosa animi libertate, iniicere attentans: Sed mox irritum conatû
suum reluctante LEONE expertus est; cum in hac Sacra Erema,
non *longa dies homini, docuit parere LEONEM*. Verûm quid
effatus sum parere? imò imperare docuit. Nam, quid est Regi sæ-
culorum Immortali seruire? quàm regnare. Neq; hoc ô Cosmo-
phili! nostrum magnanimum LEONEM seruire, comprobatis argu-
mento; quòd velut deposito LEONIS animo, mitissimus agnelus fa-
ctus, sese cuilibet submittat. *Maxima enim sublimium gloria est,
se quàm maximè submittere*. Cedant hinc illecebræ, & murmu-
rationes carnis, in aspera via, huius Beatæ Solitudinis, ei operosis-
simè insultantes. Mox enim, inuictus LEO, omnes illas fortissi-
mè repressurus, sanctas *acuit, magnis stridoribus, iras*. Cedant illa
sub specie boni, palliata, malorum monstra: Cedant auernales cer-
beri, innumeris imposturis, LEONI nostro oblatrantes. Cedant o-
mnes pessimi, qui à Magistris Spiritûs, seu Theologis, Mistico: ana-
gogicis, nouâ nomenclaturâ insigniti genij: Cur, nequaquam, plûs,
minûs, melius, perfectus, curiosus, laudipeta, linguax, accusator fra-
trum, & alij centeni, longissimo syllabo, numerantur. Vicit, hæc
infames hostium cateruas, licet Nèophitus, licet tyro, LEO noster
LILIATVS. Vicit, vt non miremur iam, tot assequendæ perfecti-
onis, tot supprimendarum affectionum motuumq; labores: Non
miremur, innocui corporis, ad sanguinem vsq; flagellationes; Argo
deniq; centoculo eum vigilantior non miremur. LEO enim
est, ideo, & dum dormit vigilat, & vt melius vigilet (nam & hoc
LEONIS attributum est) sæpiùs percuti, à seipso consuevit.

Et quoniam indefesso cursu per viam mandatorum DEI LEO
noster cucurrit, uirtutum coronam Perseuerantiam, Diuini Pneu-
matis Gratiâ, & suo conatu assecutus, meritò ab Augustissimis
Patribus Eremitis, in perpetuum Beatæ Solitudinis incolam, & de-
fensorem vnanimi suffragantium voto, electus, & receptus est.
Quanta tunc in Diuina hæc Erema, resonabat tripudiorum echo!
dum LEO noster LILIATVS, *consumatus in breui, expleisset tem-
pora multa*. Quam grati aures demulcebant lætitiæ pæanes! cum
tota illa votorum congeries, hætenus suggestionum agitata impe-
tibus, in vnani summam, & periochen collecta, coronaretur, &
per sacram Professionem stabiliretur. Iam verò iuratus, Augustissi-

mae huius Solitudinis, LEO noster LILIA TVS, factus habitator, ita per Proficientium viam cucurrit, ut in Perfectionis orbita, oculus constitisset. In qua LEONINa prudentia, futura providens securitati, ne quid illum, in corporis sui cauerna impediret, optime sensuum fenestras (per quas Doctorum consensu mors intrare dicitur) vallauit. Vnde etiam, cum Plinio referente, LEONI in oculis, non mediocris roboris portio sit; perbellè calluit, euanidas rerum imagines, nobili contemptu, & conuerso ad sydera vultu, separare, & superare. Pepigit fadus cum oculis suis; qui cum secundum, *Tynpium, legati cordis sint & animi nuntij*, nunquam illos aliò emittebat, præter in cælum, Apprimè illud præsciens: *ubi errat oculus, errat affectus*. Sæpiuit, & Sapientis consilio, aures suas spinis; cum nihil in vita gratius, audire voluerit, quam Tragicam DEI-HOMINIS cædem; nihil crebrius loqui, quam amaram Nouissimorum memoriam. Procul ab eo opobalsama! procul vestra, molles thura Sabæi! Odit peregrinos odores: Nam satis, odoriferâ Gentilitij LILII fragrantia, bonus BONE R, *Christi odor factus est*. Quid ultra? Iam ciliciorum, inedæ, & flagellationum victoria, Gustus & Tactus, cum toto corpore olim rebelles, totaliter nostro LILIATO LEONI, ad æternam deditionem subditi sunt. Securum iam esse, subiugato carnis imperio, quis LEONE M nostrum, tot victorijs laureatum, inficias iuisset?

Sed ô superi! quid hoc in turbulento orbe tutum? si in solitudine quoq; malorum Aquilones LILIA LEONIS & Laureas infestant? Quid hoc in orbe tutum? *Ubi plura sunt timenda, quo maior securitas, ubi plura sunt videnda quo maior est obscuritas*. Vbi dedecet decencia, ubi nocet innocentia. Frustra hic certè securitatem somniamus, ubi ex hostium malitia, tota vita nostra militia est. Discimus nunc in LEONE nostro LILIATO, quod *is tantum periculo caret, qui etiam dum tutus est cauet*. Quis sperasset post tot palmæ victorias, contra LEONEM nostrum hostes insurrecturos fuisse? en insurgunt. Heu orci quarta furia inuidia! nimis videns LILIATI LEONIS candorem, nimis videns laurearum virorem. Si ophtalmiâ laboras, quare ad cruciatum tuum, splendores hosce, quos imitari malitiosa non vis, assequi, otiosa non potes, intueris? si quoq; LILIORVM (quod de illis proditum est) vehemens odor, capitis tui, causauerit dolorem, non Lilium sed:

Ipse sibi culpa est, qui hoc ladetur odore.

Et certè, maxima, hæc fuere vibrata contra, LEONEM nostrum LILIATVM, malè feriatorum arma. *Lingua enim eorum gladius*

gladius acutum, crescentem illius famam, vndiq; dīmetebat. Causam malefani & pænē Sacrilegi ausus si scruteris; sola inuiolata animi integritas, Liliata puritas, in assequenda Ascetica perfectione, infracta magnanimitas, ansam maleuolis Zoilis obtrusit. *Nihil enim, hostibus est nocentius; quàm innocentia.* Lætetur nihilominus tantisper infame monstrum, donec suipsius vindex, in propria viscera, sæuerit. *Caret enim euentu, nimius furor, improba nunquam, spes letata diu.*

Quod si, *calamitas virtutis occasio sit* nostri LEONIS LILIVM, quantum odoris accepit auctoramentum! dum transfixū, huius tribulationis aculeis, maiorem fragrantiam, exhalaret. Si *virtus languet, nisi exerceatur*; hisce dumetis laceffita, quantum accrescit! Optimè actum est, cum Gentilitio, LEONIS nostri LILIO, dum nouas innocentiae lymphas, ad illud irrigandum, calamitas hæc emunxerit. Si quippe Plinio, Gregorioq; Brunello credimus, candidissimum Liliū, non aliter crescere, humanamq; pupillam, & delicatas nares oblectare, addiscemus; quàm dum

Incrementa suis, accipit à lacrymis.

Planè, tibi exitium, LEONI nostro LILIA TO, ingentes animos addidisti, ô improbi Momi familia! Augent, contraria vires. Augent, hæc indecora LILIIS, B. ISAIÆ, decorem. Augustiora, per angustiora contumeliarum, redduntur. vbi enim magis quàm

Vidimus, in medijs, surgentia LILIA, spinis.

Nam: *Aduersis, virtus, quæ caret, illa minor.* Vbi magis quàm

Vidimus, in medijs, surgentia LILIA, spinis.

Nam: *Apparet virtus, arguiturq; malis.*

Cæterum, cum natura, Leonibus, singulari dono, summum prouiderit, in pectore robur: agnouit, tunc, scelesti obtreçtatorum caterua, LEONIS nostri pectus, cum illud, non triplici ære fuscum, sed solo Dei munitissimum amore, *sagittis, potentis lingua, acutis, cum carbonibus desolatorijs*, opposuisset. Atq; hoc felici vulnere prostratos, ex oblocutoribus, pulcherrimâ metabasi, in amatores sui, transformâisset. Quid verò, hosce obloquentium, eluctans insultus, animosior LEO, non audet? Quæ illi in orando, subtilissimè disceptando, quæ in conscribendis librorum Voluminibus, imperuia difficultas? Iam, non sola Academia Palatina, Leone, Librum apertum tenente, pro suo Stemmata gloriatur. Gloriarī, iure meliori poterit, Augustissima Eremitarum, D. P. A. Augustini Religio, LEONEM suum LILIA TVM, nedum semper librum apertum, tenuisse; sed etiam, noua volumina, in profundissimis,

Fidei Orthodoxæ, de SS. TRINITATE, arcanis; doctissimè con-
notâsse. Hinc certè (licet non satis mihi, de tempore constet) cum
dedeceret, quodammodò, tot LEONINOS labores, tot Clean-
theas vigilas, pro gloria immortalì, SS. TRIADOS, susceptas,
non coronari: ad Gentilitium LILIVM, binasq; in Artibus, &
Philosophia Laureas, tertiam Doctoratûs Sac: Theologiæ, eruditif-
simæ, sui Candidati, fronti, Cælum imposuit corollam. Dedecuit
etiam, ad D. Sapientûm Præsidis Catharinæ, Virginis & Martyris,
Sacratissimas ædes, ternis laureis, redimitum; non reperiri Do-
ctorem: siquidem, ipsa quoq;

Æternam & ternam, retulit Catharina coronam:

Martyr, enim, & Virgo, deniq;, docta fuit.

At inter hæc, maxima, LEONIS LILIATI decora, incredibi-
lis, vanæ gloriæ, contemptus, atq; heroicarum Virtutum occulta-
tio quem attonitum, non reddet? Nihil certè, quod Leoni, à na-
turarum scrutatoribus, tribuitur; per nostrum LEONEM LILIA-
TVM, intermissum est. Leones suis è cauernis prorumpentes, ve-
stigia, à se impressa, puluere explent, & explanant. Cautus hoc
in passu, & LEO noster LILIATVS. Vt enim, vanissimos, lau-
dum humanarum, venatores, sanctiori dolo, elusisset; dum Sarco-
phagos, SS. Regni Indigetum visitaturus, è Sacra Solitudine, pro-
grederetur, nudissima, pedum mortificandorum, vestigia, desu-
per tantum cuticulâ, tarsum contegente, occultabat. Rigidissimi,
gelantis hyemis algores, nihil denudatis, Sancti LEONIS nostri
plantis, nocuerunt. Nam, è Sapientûm traditione accepimus:
Leonem, terrâ niuib, vndiq; conspersâ, maximis viribus, ac ro-
bore intensissimo, inualescere. Cum enim, naturâ suâ, totus igne
sit, illius natiuus calor, inter hyemis rigores, per antiperistasin ma-
gis collectus, ardentissimè, inflammatur.

Erupit nihilominus adhuc magis, in apricû; tam accuratis artibus
celata virtus. Inclaruit, occultata LEONIS nostri LILIATI ma-
gnanimitas; adeo; vt etiam, in Constantienf Concilio, constan-
ter, egregièq;, cum inuicta, Augustinianorum suorum, Decade,
infractum, contra Hussitas animum, demonstraret. Nec amplius,
in Poloniam redux, assuetus, palmatis Victorijs, LEO noster LILI-
ATVS, quiescere potuit; quin semper triumphans, DEO rebelles,
superaret. Vnde, licet alibi, *corpora magnanimo satis est prostrâsse*
Leoni: nostro LEONI, non satis. Etiam, animas ipsas ille exani-
mauit; cum illas Politicè, fallaci mundo mori, Diuini amoris neces-
situdine, adegisset. Dulcis, nihilominus, hæc fuit, animabus, tyran-
nis, blanda mors, gratissimum vulnus, cum LEONIS LILIA-

TI, suauissimo consilij nectare, mellito, exemplaris vitæ, & concionum eloquio, dulcorarentur. Vt meritò, & de nostro LEONE, illud Hebræi Alcida, intelligatur ænigma: *De comedete exiuit cib⁹, & de forti, egressa est dulcedo.* Ferus ergo, contra scelerum feras, LEO noster LILIATVS, sed & placidus. Nam, si, iudicio Senecæ, Leo, tantò plùs habet venustatis, quantò plùs spirat horroris; si impetu acer; speciosus, ex horrido; cuius hic decor est, non sine timore aspici: nostri LILIATI LEONIS;

*Quàm grata facies, torua viriliter!
Et pondus veteris, triste supercilij!*

Vt meritò illi, eximiam, cuiusdam, adscribendam esse, censem Epigraphen: *Horrore decorus.* Verbo rem complectar: quoties, Religiosissimorum Virorum calculis, & votis, munus, & onus, alios regendi, ad illum deuolutum fuisset; toties seueram clementiam, & clementem seueritatem, ita attemperauit, vt, in statera, perpensas esse iudicâsses.

Verùm enimuero, quid angustâ, ingenij decempedâ, ingentes, LEONIS nostri LILIATI, animos; metiri contendo? Quid, Gentilitij LILII Virtutem, candorem, & odorem; incultâ, dicendi suadâ, complecti satago? Pridem, Sacrationis famæ, vocalis echo, nedum sacram hanc Solitudinem, sed vniuersum orbem Christianum, meritorum illius gloriâ, impleuit, penetrauit. Nulla est, tam furda posteritas, quæ Stentoreâ voce clariorem, in omnem terram exeuntem, laudum, & sanctitudinis eius, harmoniam, non audiat; quam, vel ipsa Gentilitia LILIA, apertis labris, prædicârunt. Quòd, si quispiam, ad hæc miraculorum, gratiarumq; cælestium, tonitrua, adhuc surdaster reperiatur; buccinet, ad Polum vsq; , tota Polonia; resonet Cracouia, Casimiria, & cum suis salis fodinis, Vielicia. Dicant ipsi agonizantes, ænergumeni, febricitantes, & panè innumeri alij, nouis, anonimisq; , paroxysmis, symptomatibus, & languoribus, affecti; virtute, LEONIS LILIATI, pristinae valetudini, restituti, in quibus, me dies obiret, numerandis.

Testetur, ipsa veritas, de terra orta; mortui videlicet ipsi, qui, siue ad vocalem sanctimonie eius famam, à sopore Proserpinæ, excitati, siue (quod omnino, de Leonibus, è Sapientum monumentis, accipimus) vt catuli exanimes, rugitu LEONIS nostri ad vitam reuocati, illius cælestes virtutes, toto ore, æternitati declarârunt. Testetur deniq; , ipsum fat superq; sonorum, de Empyreo missorum, Amphionum melos; quod plurimis audientibus ad Extaticos, LEONIS nostri LILIATI, in contemplatione amores, iucundissime personabat. Taceo ergo, ipso Cælo canente, LEONIS nostri LILIATI, maximam virtutum congeriem, Taceo, circa propagandam suam Augustam Solitudinem, ingentem sollicitudinem; cui, vt omnimodam, prouideret securitatem; Inuictissimam, LILIATAM LEÆNAM (liceat sic B. V. MARIAM appellare; vt potè cum LEONIS de Tribu Iuda Mater sit) in peraugusto, illius vestibulo, & sacello, vbi hætenus eam feliciter conspiciamus, & gratias percipimus, collocauit. Certissimam, ominatus suæ Augustæ Solitudini, integritatem; pro qua tot in locis, LEONES, excubarent. Desino iam mirari, ô Augusta magni Augustini Propago!

cur, intra Cenobij ianuam, intra sacra suppellectilis archium; est, ante vestibulum huius Augustalis, LEONEM Tuum LILIATVM, posueris! Liquido enim, mihi tam pium, constare videtur arcanum. Vt scilicet, vndequaq; in excubijs, degeneres, habens LEONES; illis velut bifrontibus Ianis, Ianuas potissimum obfirmares. Nempe. *Est LEO, sed Custos, oculis, quia dormit apertis;*

Templorum idcirco ponitur ante fores.

Næ, tu, inconsiderata Venatrix Libitina! vmbra tuam metuentem Pisandrum Epeumue LEONEM nostrum LILIATVM falso rata, frustra percellere conaris! Fateor, etiam Herculeos animos, ad tuum conspectum, quandoq; contremuisse. At LEO, fortissimus animalium, ad nullus pauebit occursum. En Cibo fortium refectus, roboratus! Triumphatricis aeternæ Virginis Deipara MARIÆ; & heroicis Diuorum Indigetum suppetijs, confirmatus; ex vulnere, à te, ô prædatrix crudelissima! inflicto, salutem accipiens, non obijt sed abiit. Quinimò extra fabulam, in calum assumptus, LEO noster LILIATVS, epigraphen tenet: *Dominatur & astru.* At fortè, dum tripudiantis Empyreï Polyteumatis, resonent pæanes; nobis, LILIATI LEONIS nostri, orbatis præsepriâ, aliopæan, est intonandus. Imò, iniurium fortassis calum, ob assumptum LEONEM nostrum, iustis à nobis lacrymis, accusandum est? minime. Adest, adest, Sacrationis illius Busti, nobilis compars; in qua, nouo miraculo, Gratiarum, Beneficiorum, Charismatum, plusquam Hyblæi, Hymettij; faui, in tristitiæ amaroribus, à fidelibus conlliguntur. Imò si Angelico Thomisticâ, Theosophiâ erudiente; *Spiritus est in loco per operationem;* totum adhuc, LEONEM nostrum Candidissimum, in Thaumaturgis suis operibus, adesse nobis gratulemur.

Quare, plaudentibus hodie, LEONI nostro LILIATO, Cælitum Hierarchijs, assurgamus & nos Lechiadæ, in debita, letitiæ acroamata. Euolet in plausus, Sarmatica Aquila, summi Tonantis ministra; quod contra infamem, orientalis superbiæ Gigantomachiam, etiam LEONES, sibi habeat fæderatos: qui, & nidum eius, & Solitudinem suam, animosè defendant; ad nouaque excudenda fulmina. Gentilitium Ignem, subministrent. Et peculiari, gaudiorum apotheci, imple Tu, Sacram Tuam Eremum, ô Perauguste, Eremitarum, Diuinissimi P. A. Augustini, Ordo! Exstrue, triumphalis pompæ apparatu, colossos, Pyramides, Arcus triumphales. Eripe, triumphanti LEONI Tuo, perennatura Trophæa. Quot carnis, mundi, & infernalis bellæ, excussa tyrannide, retulit victrices palmas, quot virtutum heroicos & thaumaturgos fecerat actus, tot simulacra triumphorum hostium, tholis, & fastigijs, huius Basilicæ appende. Cumq; præeunte LEONE Vestro Augusti Eremitæ! ad similes vocati sitis triumphos; dextro Hercule, *Vivite fortes, fortiaq; aduersis, opponite pectora, rebus.* Triumphate, ex optimi BONEKI Vestri LILIETO, immarcescibilem cælitus coronam, accepturi. Assurgimus Tibi, vnanimi voce & voto omnes, deplorandâ hâc malorum tempestate, à Te ô LEO fortissime præfidi um, & à Tuis LILIIS candidiores dies, habituri. Didicimus, Martiali referente, leporem quendâ, innocuo, ac securo pede, prope Leonem saltitasse: & cum à canibus, mox deuorandus, infestaretur; inuicto patrociniò, à Leone, ita esse vindicatum, vt nihil detrimenti, passus esset. Meticulosi & nos, in deterius, fortitudine, sinceritate, & Sarmatica pristina virtute ruentibus, lepuseculi facti sumus. Harpiæ, molossi; Threijci, Othomanicæ, an infernalis portæ, Cerberi? deuoratis, tot Regnorum, & Prouinciærum bolis; adhuc insatiabili orexi, reliquias earum, absumere conantur. Inualidi ergo, in ualida protectionis Tuæ tutamina, confugimus; vt Te duce, foras Othomanicos canes, tot hominû millia, in fertilissimis, Roxiæ Campaniæ, aruis, in mancipia crudeliter venatos, expellamus. Vt ex Tuorû LILIORVM candore, & prodeutib; ex ore flamarû splendorib; resplendeat tandè, Gentilitius Podoliæ Sol; què ingenti cum squalore, hactenus, Odrysi ferale sydus, interpositione suâ, fecit ecclipsari. Adde robur, Leonino animo, Serenissimi Triuphatoris nostri IOANNIS III. illumq; felicibus vltra, victoriarum triumphis, effice prosperatum: Adde Gentilitio illius VMBONI, LILIORVM Tuorum candorem, & Gratiâ; vt annuentibus superis, verè nouo, victrices Laureas, refflorescere videamus; vt victoriarum manibus, det calum, Lilia plenis. Et cum Tu, primus, tunc ViceProuincialem agens, Poloniæ; ad connectenda, sacro fædere, quatuor mendicantium Ordinum, corda; Philadelphiam, Sarmaticis limitibus, intuleris; iustissimum est, vt optimus, concordie auspex, sacrum fæderatorum, contra Bizantinam Hydram, Quaternionem, non amplius dissoluendum, custodias; & auspiciatum, salutarem, (quia ISAIAS salus Domini,) imperes successum. Vt quod, de Leone suo tradit Mathesis, sub illo, notabilem Othomanicæ telluris partem, sitam esse; nos sub Tuis auspicijs, LEO fortissime, auspiciato, totam Barbariam, subiugemus. Ad extremum, Sacram Tuam Solitudinem, Almam Vniuersitatem nostram, quæ etiam ad immarcescibilem LILII Tui candorem, instructionis, & Laurearum suarum, addidit virorem, LEO fortissime defende. vt omnes Te, in malorum impetibus, LEONEM, in felicioribus, Vitæ successibus, LILIATVM, agnoscamus. DIXI.

PERMISSV, MAGNIFICI DOMINI RECTORIS.

30. 4



stdr0012936

Biblioteka Jagiellońska

